

86.

# DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

## QUÆSTIO MEDICA.

CARDINALITIIS DISPUTATIONIBUS

manè discutienda, in Scholis Medicorum, die Martis secundâ  
mensis Aprilis, Anno Domini M. DCC. LXV.

M. FRANCISCO BERNARD,

M. JACOBI-LUDOVICI ALLEAUME vices gerente,  
Doctore Medico, Præfide.

*An à Potibus spirituosus præmatura senectus?*

I



UA lege vitalis animalium motus perennat, eâdem certa mors animalibus incumbit; ut eodem mechanismo, nutritio, incrementum, & necessaria mortis prænuntiâ senectus, labentibus annis, sese excipiant. In primo scilicet principio, ubi leviora sui rudimenta oculis scetus exhibuit, totus fere resolvebatur in lympham plasticam continuatione caloribus, motibus, variisque liquoribus concrescibilem. Motus cordis in ipso vitæ limine inchoatur, maternus calor, tenuiorum dissipatio, sensim firmitatem fibræ addebant. Crescebat respectus solidi ad fluidum, donec prodigioso incremento luci maturus utero materno excluderetur infans, lymphâ turgidulus adhuc, natantibus oculis, & hebescentibus ab obruente pituitâ, tum externis tum internis sensibus. Proprio quidem calore, propriisque motibus viribus, novo jam respirationis adminiculo, crescebat adhuc sed lentius; & eò quidem lentius, quod firmioribus solidis vasculisque pluribus evolutis, jam præscriptos staturæ terminos propius attingit. Ad hos ubi semel perventum est, quidquid fibræ à vitâ continuante additur, nimium est. Incrassantur illæ, sese murum comprimunt, diametros vasculorum minimorum arctant, quæ aliundè vi vitæ assidue pressa maximè in angustum coguntur. Stagnat in his sibi nihil intervalli reperiens lymphæ superflua; & ubi hæret, concrescit. Hinc nova fibrarum crassiorum progenies. Quæ loca lambebat olim fluidum, tunc solida & arentia reperiatur. *Quia naturæ progressum, qui est ad siccitatem, effugere non licet, idèd senescimus, & corrumpimur (a).* Sic sensim cutis arefcit, arefcunt lymphaticis perfusæ valis partes membranaceæ. Occalescunt tendines, & tendinæ valorum tunicæ, actionique evadunt impares. Id præsertim contingit, iis in locis, ubi vicinior cordis actio plasticam tenacemque lympham tenuiora exprimendo compingebat, validiorique minimorum vasculorum pressione, melius eorundem obliterationi favebat. Hinc vel in extremis senilis gangræna, vel ad cor palpitaciones, polypi, & mors denique ineluctabilis.

I I.

QUANTUMVIS homini senectutem prorsus deprecari, spemque immortalitatis concipere vanum sit, illam tamen præcipiti gradu ingruentem, iusto rerum moderamine retardare, Hygiæ sanioris opus est. Non enim omnium tergo senectus æqualiter incumbit; sed illos tardius, hos verò promptius opprimit. Quò quisque siccior fibrarum indole, quò fluidis tenacioribus præditus, eò, si consentiant vitæ vires, præmaturâ magis obruetur senectute. Siccior est exercitatus rusticorum fibræ, du-

(a) Galen.  
de sanitate  
tuenda. lib.  
VI. cap. III.

\* Auctore M. DORIGNY, D. M. P. 1749.

riorque textura. Hinc nati versare glebas, valida sustentant trahuntvè pondera, quibus urbanus, aut musis otio vè deditus succumbat. At iis præmatura ab anticipatâ vitâ senectus. Contrâ verò imbellis otium, & iners languentis in umbrâ vitæ desidia, annosam mollietiem in mulieribus ad insignem protrahit longevitatem. Præmatura pauciter siccitas ab æris externi æstu & ariditate fibris inducitur. Dùm benignus ille qui jugiter fibras alluere debet ros, exhalat, siccantur, arescuntque illæ. Hinc, cæteris paribus, densiores animalium in hisce locis degentium partes, densior fibrarum compages, & ipsorum vitæ meta brevior præscribitur. In paludosis, verò frigidisque locis, dùm allabentis humiditæ atmosphæræ actio fibrarum molles servat & laxiores, longior est ætas; ut de sylvicolis annotat (a) Boerhaavius, qui locorum umbrâ, à sole & æstu desensu, exhalantibusque à gramine & omni stirpium genere vaporibus emolli, ultra centesimum annum frequentes ideò vivebant, quia ne siccitas ingrueret prohibebat, tùm prespirabilis humor à laxâ fibrarum compage cohibitus, tùm resorptus undique vaporosus atmosphæræ humefcentis halitus. Sed nec minus est ab humore tùm intus, tùm extus exundante ad longevitatem beneficium; quod scilicet lympham minùs tenacem, minùs compactam, atque densam, minùs, si fas est dicere, nutritiam reddat. Increfcente enim in lymphæ parte aqueâ, tenuior illa minima vascula præterlabitur, quibus adhereret tenacior & crassior. Hinc nutritio minor, sed diuturnior. Sic in calidis regionibus in quibus sanguis, serum, & lymphæ, specificè densiora inveniuntur, brevi quidem staturæ suæ terminum adipiscuntur homines, sed citiùs decrementum. Tardiùs contrâ Septentrionales crescunt, tardiùs pariter decrefcent; plastica scilicet magis est prioribus, posterioribus verò magis aquea lymphæ. Hinc patet quâ ratione tantùm speraverit in protrahendâ insectorum vitâ per cohibitam perspirationem insignis Reaumurius. Eâ enim cohibitâ emollebat solida, obsequio è reddebat flexilia; fluida simul minùs densa, minùs plastica & concrefcentia evadebant. Pareat pariter, cur adeò suadendus, dùm per æstatem arescunt corpora, Balnei usus, si præsertim ex iis quæ cutem obstitant adh. beatur, ut veterum mos erat post balneum ungi oleo; si balneum ex lacte usurpetur, ut mulierculis olim legitimus usitatum. Constat etiam cur ad arcendam senectutem, ex frictionibus cum melle, butyro, aliisque, tantùm tibi emolumentum post experientiam, & Verulamius & Boerhaavius, (b) promiserint. Intelligitur demum quid ex aqueis tenuisque nutrimenti alimentis, potu diluente, leni, copioso, ad annos producendos, sperandum; si quid contrâ è validis calefacientibus metuendum. *Vidûs ratio, quæ refrigeret & humedet, labores minime calefacientes & colliquantes, plurimum refrigerationem exhibebunt. Ejusmodi naturæ longissimæ sunt vitæ (c).*

(a) Inft.  
Med. Hall. 6.  
DCCLXII.

(b) Boerha.  
Inft. Med. 5.  
MLXIII.

(c) Hippoc.  
de victus ra-  
tion. lib. I.

Sed frustra fibras servari posse molliores, aut liquida tenuiora speraveris si vis vitæ intus maxima, fortius in valorum parietes impingens, lympham incuneet, tenuiora simul exprimat, plurimorum vasculorum procreet occalescentiam, siccitatemque tot titulis inducat. Sic dùm nimio exercitio vitalis motus tantoperè intenditur, fiunt fibræ fortiores quidem & validiores, sed & rigidiores. Hinc junioribus præmaturè exercitiis, præmaturæ vires, præmatura pariter senectus. Hinc qui in exercitiis transiguntur anni, robur & incrementum corpori majus addunt, sed ad senectutem proximiora reddunt corpora. Sic febres, cæterique morbi inflammatorii, junioribus quidem incrementum adeo notabilè conciliant, senioribus contrâ adeo pariter evidens decrementum. Quid jam, si fortissimis vitæ viribus aut sicca temperies addatur, ut compaassimi fluidi movenda moles. Certè eò citior accersetur senectus, quò plures hujusce generis causæ concurrent.

# I I I.

**F**ERMENTATIONIS prima & genuina est progenies, spiritus ardens. Per istam tot vinorum genera live ex uvis, sive ex cerealibus, sive ex pomis cujuscumque generis eliciuntur. Ex his omnibus idem educitur spiritus, qui pro minori majorive phlegmatis quo diluitur copiâ, aquâ vitæ, spiritus vini, alcohol denique audit. Porro ad mensuram usum potum non tantam, quod vinâ cujuscumque generis advocare sagax edocuit ingluvies, sed etiâ arte paratos spiritus adhibuit. Succis plantarum expressis spiritus noster additur. Destillatur cum volatilibus plantarum partibus, qui-

būs ejus actio crescit immaniter. At omnium horumce liquorum, quantumvis accidentibus & efficaciæ gradu distent, ab alcohole pendet actio. Communes igitur horum effectus tantum juvet intueri. Hominem vino, vel quolibet alio liquore spirituosio turgidum contemplare. Si parciore ejus copiam humescit, menti novus accedit vigor, hilaritas, per omnia diffusus membra calor, rosea facies, audacia major, vividior mentis acies & ad lætitiæ compositas unde ubique lætitiæ dator Bacchus appellatur. Sed largiori potu omnia contra videas mutari. Sequitur torpor & infensibilis, insuperabilis ad somnum propensio; & à somno hesternæ ciapulas semper excipit gravitas capitis, lumborum & crurum summa defatigatio, inertis stomachi languor & tenacis puituitæ importuna excreatio. Hi porro effectus partim ab agente in nervos spiritum, partim ab eodem in sanguinem diffuso repetendi sunt. A nervis derivari debet vigor ille novus, quo vix in stomachum adducta hæc liquida totum corpus perfundunt. Hinc ori vix admodum robur videntur inspirare. Hinc acrem & titillantem linguæ saporem imprimunt; ita ut sapida quæcumque vix postea gustum afficere queant, & ebriosi, nihil præter ea quæ sale & aromatibus infarciuntur arrideant. At ubi jam ad sanguinem pervenerunt, tum nervos iterum & tunicas vasorum sensiles excitando, motum augent. Cor alcohole fectum, vividius impellit sanguinem; rarefcit hic & in minimis calorem spargit vasculis, verumque aliquando & febrilem erethismum accendit; unde tot ab ebrietate febres quæ sanguinem ab heterogeneis spirituosisque partibus, ut ita dicam, desumpunt, tum postea sequitur defatigatio, valis præter modum distractis, & à vividiori sanguinis impulsu fatiscientibus deberur. Qualis ab exercitio remanet lassitudo; ut in utroque pariter motus vitalis intensior vitæ quasi compendium exhibeat. Utrumque scilicet motus intenditur, tum liquida movens tum applicans, intenditur calor, applicata firmiori neccesse vinculo, dum tenuiora cogit exhalare. Utrumque demum excipit minimorum vasorum collapsus novam lymphæ stagnationem inducens, quæ facile cum illis expresso tenuiori liquido concrefcant.

A. V.

**S**ED hæc motui quicumque aucto communia primo apparent intuitu. Si nunc alcoholis effectus altius investigaveris, novæ tibi sese prodent proprietates quibus rigiditatem possit fibris addere, & senectutem arcescere. Solida, quæcumque sint, quæ spiritu vini condita asservantur, sive ex vegetantibus sive ex animalibus indurescunt; nec forsân aliâ proprietate putredinem magis arceat. Contrahuntur illo perfuse partes, ut ipse sensus linguæ satis indicat. Nunc si lacti, sero, albumini, sanguini affundatur, coeunt subitâ unionem in thrombum & massam scissilem (a); & eo quidem densiorem quod vel humores illi minus aquosi sunt, vel spiritus vini ad hunc usum adhibitus rectificatus magis. Utroque titulo, in hæmorrhagiis externo usu commendatissimus, parietes apertorum vasorum ad se cogit, sanguinem ad orificia in thrombum condensat; ut in illo vis tum astringens tum condensans satis evincatur. Nec ullo melius experimento vis illa constringens alcoholis innotesceat, quam arte illâ quæ catellos frequentibus in spiritu vini balneis ita contrahunt, ut postea non increfcant amplius, rugis quidem citò deformes, at corporis parvitate semper insignes. Utramque hac vim infeliciter in spirituosorum petitoribus deprehendere est. Hinc ab eorum usu puituita tenax & viscosa stomacho inhaeret; unde matutina & inefficax nausea aut si vomitu redditur, coagulationis notas insigni tenacitate prodit. Hinc quæcumque subtilissimus spiritus pertingit, solida ad se adducit liquidaque condensat. Sed nullibi manifestius vires suas exerit, quam in tenuissimis lymphæ mæandris, ubi lentior ejus cursus coagulationi melius ansum præbet; ut in lymphaticarum glandularum anfractibus, quæ præsertim vicinior digestionum officina primos aditus faciles præbet. Hinc in mesenterio tota glandularum series immeabilis efficitur. Idem in pancreate observatur, & in ipso hepate cujus bilis admixto alcohole crassescit & enervatur.

Nec partes alias ab illâ labe immunes censueris. In eis præsertim quibus, his sese ingerit familiare est. Metuendum hujuscemodi spectaculum offerebat ebriola mulier. Huic enim non modo mesenterium, hepar, pancreas, lapideam amulari duritiem

(a) V. Boyle  
Hist. sang.  
Exp. VIII.

videbantur; sed & pulmones ipsi schirrosi, ficci, flacciscentes erant, & omne glandulosum genus siccum, impervium, lapideum (a). Quid porro senectutem magis exhibet, quam sicca illa atque lapidea solidorum temperies? Accedet præterea emunctoriorum variorum inertia, excrementaque aggerentur pituitosa; tremor adjungitur artuum variis, à collabascensibus propter nimiam præviā distensionem valis. Huic autem pituitæ expellendæ, tremorique sanando, rursus advocanda artificialis per alcohol rarefactio; unde nova mororum progenies, faciliorque in valis inertibus coagulatio. Hinc certe fidem meretur veracissimi Boerhavi (b) observatio, quā omnes liquoribus illis abutentes ante quinquagesimum annum obiisse testatur, sed vietos, sed marcidos, sed omnia essetæ senectutis sine præferentes. Nec est quod tibi malè persuaseris. quòd in tanto fluidorum torrente vis illa coagulans pereat. Injecto in venam canis jugularem spiritu vini, ita in ipsis pulmonis ostiis hærebat sanguis, ut post miras anxietates, animal mortuum concideret (c). Sed si præterea attenderis quantā subtilitate sese quaquaversum diffundat, quā citò ad minima vasorum lymphaticorum ostia perveniat, ubi solida sensilissima arctantur maximè, & lentescit præcipuè lymphæ; certè ejus effectus nullā arte emendabiles rectè dixeris & ab ipsius vi resolvente, ubi partes lymphaticæ infarciuntur, etiā externo usu, cautior semper indurationem metues.

V.

N E C facile credideris adjunctorum variorum efficaciam hanc coagulandi vim in alcohole obrundi. Velenim phlegmati unitur, vel aliis quibuscunque intermediis. Si phlegmate diluitur, debilior quidem ejus est effectus, sed semper idem. Si cum alio corpore permiscetur, vel corpus illud oleum est, vel acidum, vel terra. Oleo densiori præcipuè unitur, in illis locorum calidiorum vinis, quæ sole exulta, vinā fundunt aromatica, moschata, liquorosa vulgò dicta, protractiori præsertim fermentatione parata. In iis quidem sua difficilior vincula rumpit alcohol. Sed interea rarefcentia olei major æstum accendit, tenuioraque prorsus diffilare cogit; & in corpore mediante oleo diutius detentum alcohol, eò pejores effectus edit, quòd diuturniores. Si cum acido terreoque sale, ut in vinis oligophoris, perpauca copiam & nexibus liberum minori noxâ corpus afficit; vina ipsamet eò brevi destituta renes impetunt, ut in vinis exigua fermentatione præparatis locorum præsertim frigidorum reperire est. At continuatio ipsorum usui ne fidas; debilia solve: vincula calore corporis alcohol, & eosdem semper edet effectus. Quòd si acido oleoque atenuatissimo uniatur, nihilque crassi ferè secum habeat, tunc nervis potissimum insidiatur, brevique furore in caput deservescit. Sed hæc ut & modò citati stemmaris vina, levi coagulatione per acidum adhuc auctâ, arthritidis, rheumatismique relinquunt semina, præmatura quidem, nec nisi senioribus olim cognita. Ad id adhuc magis efficient, quæ plurimam, secum terram vehunt si parùm olei, si acidi multum ferant. Tunc enim & nervos impetunt primario, sensiliorumque reddunt; nec tenuatam satis terram ad emunctoria deponere potens natura, nunc ad renes nunc ad articulos emittit, ubi nova coagulationis signa, tum topi, tum calculi produnt, præcociæque ubique senectutis indicia relinquunt. Nec minùs interea augetur motus, lymphæ celerius movetur, calor increfcit, & ubique sine per suâ incommoda, sive per externa signa senectus agnoscitur, ut nec latenti emendatoque alcoholi suis possit auferri effectus. Quid, si arte sollicità ipsum à nexibus solvis, liberumque infundis in corpus quaquaversum volatilitate suâ diffundendum? Quocumque perveniet, indurescent cum liquidis solida, & præ rigiditate inertia veram senectutis ideam exhibebunt.

Ergo à Potibus spirituosiss præmatura senectus.

Proponebat Parisiis JOANNES-ANTONIUS ELIE DE LA POTERIE, Constantiensis, Doctor Medicus Cadomensis, necnon Saluberrimæ Facultatis Medicinæ Parisiensis Baccalaureus, A. R. S. H. 1765, A. SEXTA AD MERIDIEM.

(b) Van. Suit. Comm. Aph. Boerh. p. 34.

(a) Boerh. Inst. Med. Hall. §. 1063.

(c) Freind. Emmen. cap. XIV.